

Os meios som especialistas em fabricar vítimas onde só há verdugos. Quatro militantes da AMI serán processad@s o vindouro 7 de Novembro às 11:00 da manhã nos julgados de Ourense acusad@s dumha inexistente falta de “danos” polo diário caciquista La Región. No pasado 16 de Maio, véspera do Dia das Letras, militantes da formaçom juvenil concentraram-se perante a sede do jornal ourensano dentro da campaña de denuncia dos subsídios milionários que os meios espanholistas reciben da Direcçom Geral de Política Lingüística. O caso de La Región é paradigmático desta denuncia, porquanto o espaço que destina à língua galega é absolutamente marginal e fica acoutado a jos_content culturais ou folclóricas. O seu papel normalizador é, portanto, nulo, contribuindo mais bem ao sucesso do proceso de substituiçom lingüística. Contodo, isso nom impede que cobre permanentemente um dinheiro público para um fim que nom cumpre e com o que a administraçom autonómica, através de Política Lingüística, veu comprando a sua submissom informativa. A protesta organizada pola AMI na altura consistiu no despregamento dumha faixa com a legenda “La Región: inimigos do galego” assinada pola formaçom juvenil, o reparto dumha folha informativa e palabras de ordem contra o diário caciquista. Os directivos do jornal chamaram à Polícia espanhola, personando-se esta nas instalaçons e identificando como “responsáveis” os quatro militantes que serán julgad@s em 7 de Novembro. Da formaçom juvenil chamam ao “boicote do periódico La Región”, à solidariedade com @s quatro processad@s e demandam de Política Lingüística a suspensom de vez dos subsídios a meios de difusom que trabalham para a hegemonia do espanhol na Galiza. A nossa associaçom chama à solidariedade com @s quatro processad@s e soma-se ao chamado para o boicote do diário ourensano.